

Bosna i Hercegovina
Federacija Bosne i Hercegovine
Tuzlanski kanton
Kantonalna uprava civilne zaštite

Broj: 18/1-11-022819-15/21
Tuzla, 21.2.2022. godine

Na osnovu člana 70. stav Zakona o javnim nabavkama ("Službeni glasnik BiH", broj 39/14), na preporuku Komisije za javne nabavke, broj: 18/1-11-022819-14/21 od 18.2.2022. u postupku javne nabavke „Nabavka i isporuka isušivača zraka“, direktor Kantonalne uprave civilne zaštite donosi:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: **18/1-11-022819-14/21 od 18.2.2022.** godine u postupku javne nabavke putem konkurentskog zahtjeva za "Nabavku i isporuku isušivača zraka“, po Obavještenju o javnoj nabavci, broj: 1069-7-1-2-3-1/21 od 18.10.2021. godine, te se utvrđuje izbor ponuđača „DERBY TRADE“ d.o.o. Brčko, Jovana Dučića 1, 76000 Brčko.

Član 2.

Ponuđaču „**DERBY TRADE**“ d.o.o. Brčko, dodjeljuje se Ugovor o nabavci robe iz člana 1. ove Odluke, a prema Ponudi broj: 1135-10-21 od 25.10.2021. godine za ponudenu cijenu nakon provedene e-aukcije od **41.418,00 KM (bez PDV-a).**

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 15 dana, računajući od dana od kada su svi ponuđači obaviješteni o izboru najpovoljnijeg ponuđača.

Član 4.

Ova Odluka objavit će se na web-stranici Kantonalne uprave civilne zaštite i dostaviti ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Odluka stupa na snagu danom donošenja.

Obrazloženje

Postupak javne nabavke „Nabavka i isporuka isušivača zraka“ pokrenut je Odlukom o pokretanju postupka nabavke broj: 18/1-11-022819/21 od 15.10.2021. godine. Javna nabavka je provedena postupkom konkurentskog zahtjeva za dostavu ponuda uz primjenu e-aukcije.

Kriterij za izbor najpovoljnijeg ponuđača je najniža cijena tehnički zadovoljavajuće ponude.

Procijenjena vrijednost javne nabavke bila je 43.000,00 KM (bez PDV-a). Obavještenje o nabavci broj: 1069-7-1-2-3-1/21 objavljeno je na Portalu javnih nabavki 18.10.2021. godine.

Zahtjev za dostavu ponuda je proslijeđen sljedećim ponuđačima (istovremeno sa slanjem obavijesti na Portal javnih nabavki): „Ark“ d.o.o. Sarajevo, „Fire trade“ d.o.o. Srebrenik, „Kamer commerce“ d.o.o. Ilidža, i „Derby trade“ d.o.o. Brčko.

Tendersku dokumentaciju sa portala javnih nabavki su preuzeli sljedeći ponuđači: Startech d.o.o, Stanogradnja d.o.o. Sarajevo, „Fire trade“ d.o.o., BBS Europe, Ark doo, Ekapija doo, Financ d.o.o., Porin doo Tuzla, Inter-com doo Zenica, O-mega-III d.o.o. Sarajevo, Teve varnost elektronika doo Visoko, Vatro-promet d.o.o. za usluge, trgovinu i uvoz-izvoz, Architektengruppe s71 doo Sarajevo, Pastor m d.o.o. i Derby trade d.o.o.

Krajnji rok za prijem ponuda bio je: 29.10.2021. godine do 12:00 sati.

Komisija za javne nabavke imenovana Rješenjem o imenovanju Komisije za javne nabavke, broj: 18/1-11-022819-2/21 od 15.10.2021.godine izvršila je javno otvaranje ponuda dana 29.10.2021. godine u 12,30 sati.

Na javnom otvaranju ponuda prisustvovali su: Kobilj Rijad, ovlaštenu predstavnik ponuđača „Ark“ d.o.o Sarajevo i Perica Mijatović ovlaštenu predstavnik ponuđača „O-mega III“ d.o.o. Sarajevo, a što je konstatovano u zapisniku o otvaranju ponuda.

Prilikom otvaranja ponuda utvrđeno je da je ukupno sedam ponuđača blagovremeno dostavilo ponude sa ponudnim cijenama kako slijedi:

R/b	Ponuđač	Vrijednost ponude bez PDV-a (KM)	Popust	Ukupna cijena bez PDV-a sa popustom (KM)
1.	Porin d.o.o. Tuzla	42.900,00	0%	42.900,00
2.	Derby trade d.o.o. Brčko	43.000,00	0%	43.000,00
3.	Stanogradnja d.o.o. Sarajevo	42.800,00	0%	42.800,00
4.	Inter-com d.o.o. Zenica	43.000,00	0%	43.000,00
5.	Ark d.o.o. Sarajevo	41.460,00	0%	41.460,00
6.	Fire trade d.o.o. Srebrenik	42.000,00	0%	42.000,00
7.	O-mega - III d.o.o. Sarajevo	42.500,00	0%	42.500,00

Nije bilo neblagovremeno zaprimljenih ponuda.

Nakon javnog otvaranja ponuda. Komisija za javne nabavke je na zatvorenoj sjednici pristupila pregledanju i ocjeni pristiglih ponuda. Komisija je konstatovala da ponude slijedećih ponuđača nisu potpune i ne zadovoljavaju tehničke specifikacije navedene u tenderskoj dokumentaciji:

1. Porin d.o.o. Tuzla
2. Stanogradnja d.o.o. Sarajevo
3. Inter-com d.o.o. Zenica
4. O-mega - III d.o.o. Sarajevo

Komisija za javne nabavke je sačinila rang listu ocijenjenih ponuda.

R/b	Naziv/ime ponuđača	Cijena bez PDV-a (KM)
1.	Ark d.o.o. Sarajevo	41.460,00
2.	Fire trade d.o.o. Srebrenik	42.000,00
3.	Derby trade d.o.o. Brčko	43.000,00

S obzirom da je pristigao dovoljan broj prihvatljivih ponuda, Komisija za javne nabavke je konstatovala da su ispunjeni uslovi za zakazivanje e-aukcije kako je predviđeno tenderskom dokumentacijom,.

Komisija za javnu nabavku „Nabavka i isporuka isušivača zraka“ – putem konkurentskog zahtjeva je u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16) odredila termin za održavanje e-aukcije: 10.11.2021. godine u 15 h, dužina trajanja e-aukcije je 20 minuta.

Nakon održane e-aukcije koja je trajala 20 minuta, te shodno priloženom izvještaju (broj postupka: 1069-7-1-2/21, data je lista prihvatljivih i najbolje rangiranih ponuda.

R/b	Naziv ponuđača	Konačna cijena u KM bez PDV-a	Rang
1.	Derby trade d.o.o. Brčko	41.318,00	1
2.	Ark d.o.o. Sarajevo	41.360,00	2
3.	Fire trade d.o.o. Srebrenik	42.000,00	3

Dakle, nakon okončane e-aukcije prvorangirani ponuđač je Derby trade d.o.o. Brčko sa ponuđenom cijenom 41.318,00 KM bez PDV-a.

Nakon izvršenog vrednovanja, Komisija je rukovodiocu ugovornog organa dostavila Zapisnik o ocjeni ponuda broj: 18/1-11-022819-5/21 od 10.11.2021. godine, Preporuku o izboru najpovoljnijeg ponuđača broj: 18/1-11-022819-6/21 od 10.11.2021. godine i Izvještaj o radu komisije broj: 18/1-11-022819-7/21 od 10.11.2021. godine, u postupku predmetne javne nabavke.

Rukovodilac ugovornog organa je na preporuku Komisije donio odluku broj: 18/1-14-022819-8/21 od 12.11.2021.godine, prema kojoj je za najpovoljnijeg ponuđača izabran „**DERBY TRADE**“ d.o.o. Brčko.

Dana 26.11.2021. godine ponuđač „O-mega-III“ d.o.o. Sarajevo izjavio je žalbu na Odluku o izboru ponuđača broj: 18/1-14-022819-8/21 od 12.11.2021. godine

Ured za razmatranje žalbi BiH, filijala Mostar je donio rješenje broj: JN2-03-07-13468-9/21 od 30.12.2021. godine kojim je djelimično usvojio žalbu žalitelja, poništio odluku o izboru najpovoljnijeg ponuđača broj: 18/1-14-022819-8/21 od 12.11.2021. godine i predmet vratio ugovornom organu na ponovni postupak, odnosno postupak vratio u fazu koja je prethodila donošenju odluke o izboru najpovoljnijeg ponuđača.

Ured za razmatranje žalbi BiH, filijala Mostar je odbacio sve žalbene navode žalitelja, osim navoda koji se odnosi na odbacivanje ponude iz razloga što je žalitelj dostavio Nacrt ugovora za nabavku isušivača u kojem nisu parafirani svi listovi, niti su unijeti podaci iz ponude, osim podataka o ugovornim stranama.

Komisija za javnu nabavku je u ponovnom postupku postupila u skladu sa uputama drugostepenog organa i izvršila ponovni pregled i ocjenu ponuda i utvrdila da ponude ponuđača Porin d.o.o. Tuzla, Stanogradnja d.o.o. Sarajevo, Inter-com d.o.o. Zenica i O-mega - III d.o.o.

Sarajevo treba odbaciti te provesti ponovnu e-aukciju na kojoj će učestvovati ponuđači čije su ponude prihvatljive: Derby trade d.o.o. Brčko, Ark d.o.o. Sarajevo i Fire trade d.o.o. Srebrenik.

Komisija je u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16) podnijela zahtjev za ponovno zakazivanje e-aukcije.

Agencija za javne nabavke ponovno je zakazala termin održavanja e-aukcije za 18.2.2022. godine u 11 sati sa trajanjem 20 minuta.

Nakon održane e-aukcije, te shodno priloženom izvještaju (broj postupka: 1069-7-1-2/21), data je lista prihvatljivih i najbolje rangiranih ponuda.

Konačna rang lista ponuđača koji su učestvovali u e-aukciji:

R/b	Naziv ponuđača	Konačna cijena u KM bez PDV-a	Rang
1.	Derby trade d.o.o. Brčko	41.418,00	1
2.	Ark d.o.o. Sarajevo	41.460,00	2
3.	Fire trade d.o.o. Srebrenik	42.000,00	3

Nakon okončane ponovne e - aukcije Komisija je dala preporuku da se ugovor u ovom postupku javne nabavke dodijeli sljedećem ponuđaču:

1.	Naziv/ime ponuđača	Derby trade d.o.o. Brčko
2.	Adresa	Jovana Dučića 1, 76000 Brčko
3.	Ukupna cijena ponude bez PDV-a (KM)	41.418,00
4.	Garantni period	12 mjeseci
5.	Rok isporuke robe	30 dana od dana obostranog potpisivanja ugovora.

Rukovodilac Kantonalne uprave civilne zaštite je utvrdio da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom te je odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke. Žalba se podnosi Kantonalnoj upravi civilne zaštite u pisanoj formi u najmanje 3 (tri) primjerka ili elektronskim putem.

Dostaviti:

- Ponuđačima x7
- evidenciji
- arhivi



Direktor

Mirza Fazlić